

<b>Adroddiad i'r:</b>	<b>Pwyllgor Archwilio Perfformiad</b>
<b>Dyddiad y Cyfarfod:</b>	<b>26 Chwefror 2015</b>
<b>Swyddog Arweiniol:</b>	<b>Pennaeth Addysg</b>
<b>Awdur yr Adroddiad:</b>	<b>Rheolwr Tîm Cynllunio Strategol</b>
<b>Teitl:</b>	<b>Gweithgarwch mewn ymateb i Arolwg Estyn ar safon Gwasanaethau Addysg yr Awdurdod Lleol ar gyfer plant a phobl ifanc yn Sir Ddinbych</b>

---

## **1. Am beth mae'r adroddiad yn sôn?**

- 1.1 Mae'r adroddiad yn darparu'r wybodaeth ddiweddaraf ar y cynnydd sydd wedi ei wneud o ran argymhellion Estyn yn dilyn arolwg 2012.

## **2. Beth yw'r rheswm dros lunio'r adroddiad hwn?**

- 2.1 Lluniwyd yr adroddiad hwn er mwyn darparu gwybodaeth ac i ystyried y cynnydd sydd wedi ei wneud yn dilyn yr adroddiad a gyflwynwyd i'r pwyllgor archwilio ar 17 Gorffennaf 2014, mewn ymateb i'r argymhellion a wnaethpwyd gan Estyn yn dilyn arolwg 2012.

## **3. Beth yw'r Argymhellion?**

Bod y Pwyllgor yn:

- 3.1 ystyried yr wybodaeth a ddarparwyd ac yn cefnogi'r casgliad bod Gwasanaeth Addysg yr Awdurdod Lleol wedi diwallu argymhellion Estyn;
- 3.2 yn penderfynu p'un ai fydd angen monitro'r cynllun gweithredu ymhellach ai peidio.

## **4. Manylion yr Adroddiad**

- 4.1 Dangosodd prif ganfyddiadau Adroddiad Estyn bod yr Awdurdod Lleol wedi derbyn safon 'Da' ar gyfer y tri chwestiwn isod:-
  - 4.1.1 Pa mor dda yw'r canlyniadau?
  - 4.1.2 Pa mor dda yw'r ddarpariaeth?
  - 4.1.3 Pa mor dda yw'r arweinyddiaeth a'r rheolaeth?
- 4.2 Roedd yr holl ddangosyddion eraill hefyd wedi derbyn safon 'Da' ac eithrio 3.1 'Arweinyddiaeth' a dderbyniodd safon 'Ardderchog'.
- 4.3 Fodd bynnag, er mwyn gwella ymhellach, bu i Estyn argymhell y canlynol:
  - 4.3.1 **Argymhelliad** 1: Gwella cywirdeb Asesiadau Athrawon ar ddiwedd

Cyfnod Allwedd 3 ; ac **Argymhelliad 2**: Adnabod pob gwasanaeth plant a phobl ifanc yn Sir Ddinbych a sefydlu system effeithiol i fesur effaith y gwasanaethau hyn i gynorthwyo'r Awdurdod a'i bartneriaid i benderfynu a yw'r gwasanaethau hyn yn cynnig gwerth am arian.

## **5. Argymhelliad 1**

- 5.1 Yng nghyfarfod Archwilio Perfformiad ym mis Gorffennaf 2014, cytunwyd yn sgil y gwelliant a gynhaliwyd yng nghywirdeb asesiadau athrawon ar ddiwedd Cyfnod Allweddol 3, nid oedd angen adroddiadau annibynnol pellach ar y mater hwn. Yn y dyfodol byddai'r agwedd hon yn cael ei monitro drwy'r adroddiad blynyddol a gyflwynir i'r Pwyllgor ar ganlyniadau arholiadau allanol ac asesiadau athrawon.

## **6. Y Cynnydd yn erbyn Argymhelliad 2**

- 6.1 Mae dadansoddiad strategol o waith partneriaeth yn Sir Ddinbych wedi'i gynnal (gweler Atodiad 1). Bydd y gwaith strategol yn cael ei ddatblygu a'i adolygu yn barhaus o dan nawdd y Cynllun Lles a Bwrdd Partneriaeth Strategol Sir Ddinbych.
- 6.2 Ar yr un pryd, mae grŵp tasg a gorffen bychan wedi gweithio i gasglu gwybodaeth gan y gymuned yn ystod y chwe mis diwethaf a bydd y gwaith yn parhau o leiaf tan ddiwedd y flwyddyn galendr. Credir bod dros 1,000 o grwpiau yn bodoli ar draws Sir Ddinbych y gallai pobl ifanc fod yn ymwneud â nhw, mae hwn yn ddarn sylweddol o waith.
- 6.3 Mae'r dull hwn hefyd yn cefnogi cyfrifoldebau Diogelu y Cyngor drwy feithrin gwell dealltwriaeth o'r gofynion ar gyfer hyfforddiant diogelu a chefnogaeth i grwpiau nad ydynt yn cael eu hariannu neu eu cefnogi gan y Cyngor yn uniongyrchol.
- 6.4 Cafodd y gweithgareddau hyd yn hyn eu hadolygu ym Rhagfyr, (gweler Atodiad 2) ac mae argymhellion ar gyfer ymgorffori'r gwaith i mewn i weithgareddau 'busnes arferol' yn cael eu hystyried gan y Pennaeth Addysg.
- 6.5 Credir bod dull olrhain-deuol hwn yn cwrdd â'r naws a llythyr argymhelliad Estyn, ac yn cael ei brofi gyda chyfoedion a fydd yn ei brofi ym mis Mawrth.

## **7. Sut mae'r penderfyniad yn cyfrannu at y Blaenoriaethau Corfforaethol?**

- 7.1 Mae gwella perfformiad mewn Addysg ac ansawdd adeiladau ysgolion yn un o flaenoriaethau corfforaethol y Cyngor ar gyfer tymor 2012-17. Drwy fonitro darpariaeth y cynllun gweithredu ynghlwm gall y Pwyllgor gynorthwyo'r Cyngor i gyflawni'r uchelgais uchod.

**8. Faint fydd hyn yn ei gostio a sut y bydd yn effeithio ar wasanaethau eraill?**

8.1 Bydd yr holl gostau yn cael eu cefnogi gan gyllidebau gwasanaeth. Mae cyfyngiadau ariannol parhaus yn golygu y bydd angen adolygiad parhaol o'r gwaith hwn i gydbwyso argymhellion y rheoleiddiwr a'r canlyniadau ar gyfer y trigolion y Sir, gyda'r adnoddau yr Awdurdod Lleol.

**9 Beth yw prif gasgliadau'r Asesiad o Effaith ar Gydraddoldeb (AEC) a gynhaliwyd ar y penderfyniad? Dylai'r templed AEC wedi'i lenwi gael ei atodi fel atodiad i'r adroddiad.**

9.1 Diben yr adroddiad hwn yw adolygu ac ystyried y cynnydd yn erbyn yr argymhellion. Felly, nid yw'r adroddiad yn ceisio penderfyniad mewn ymateb i gynnig. Nid oes unrhyw effeithiau andwyol ar unrhyw un o'r nodweddion a ddiogelir o ganlyniad i'r adroddiad hwn.

**10 Pa ymgynghoriadau a gynhaliwyd gydag Archwilio ac eraill?**

10.1 Cynhaliwyd ymgynghoriad gyda Budd-ddeiliaid Allweddol, gan gynnwys Plant, Pobl Ifanc a Phartneriaeth Teuluoedd.

**11 Datganiad y Prif Swyddog Cyllid**

11.1 Mae'r costau sy'n gysylltiedig â'r gwaith hwn yn cael eu hamsugno o fewn cyllidebau gwasanaeth presennol. Bydd pob maes o wariant y Cyngor yn parhau i gael eu hadolygu fel rhan o broses y gyllideb barhaus.

**12. Pa risgiau sydd yna, ac a oes unrhyw beth y gallwn ei wneud i'w lleihau?**

Mae perygl na fydd y gweithgaredd hwn yn bodloni disgwyliadau Estyn yn unol â'u hargymhelliad. Felly, mae'r dull yn cael ei brofi gan gyfoedion a fydd yn eu hadolygu. Yn ystod yr adolygiad a gostyngiad mewn gwasanaethau yn unol â Thorri'r Gôt yn ôl y Brethyn, mae perygl na all y dull a ddisgrifir uchod barhau ar y lefel bresennol dros y tymor canolig i hir. Felly, mae model cynaliadwy ar gyfer y dyfodol yn cael ei ystyried.

**13. Pŵer i wneud y Penderfyniad**

13.1 Nid oes unrhyw ofynion cyfreithiol ond mae arolygiadau Awdurdodau Lleol yn orfodol.

13.2 Mae Erthygl 6.3.2 (f) o Gyfansoddiad y Cyngor yn nodi y gall pwyllgorau archwilio sicrhau bod y camau a nodir mewn cynlluniau gweithredu yn cael eu cyflawni.

**Swyddog Cyswllt:**

Rheolwr Tîm Cynllunio Strategol

Ffôn: 07766 367168